

118. **Pleurothallis naranjensis**: affinis **Pleurothallidi pulchellae** Lindl. caulibus secundariis ima basi valde obvelatis ceterum nudiusculis, folio bene petiolato oblongo obtusato emarginato superne vernixio, pedunculis aggregatis pluribus, multifloris, bracteis ochreatis retusis, sepalo superiori galeato, sepalis lateralibus semifidis seu liberis ligulatis obtuse acutis, tepalis ligulatis acutis, labello a basi dilatato, laciniis lateralibus subquadratis, lacinia antica tota triangula, columnae androclinio membranaceo retuso.

Bene accedit ad **Pleurothallidem pulchellam**. Recedere visa foliis longe minoribus 4—5" longis,  $\frac{2}{3}$ " latis, superne bene vernixiis, siccis longe aliter rugosis, quam folia **Pleurothallidis pulchellae**. Spicae congestae, geminae, ternae. Bractee retusae acutae multo arctiores. Flores duplo minores, breviores, statu sicco coloris illorum **Pleurothallidis rhodoxanthae**. Labellum a cuneo basilari melius rhombeum. Columnae apex bene diversus.

Naranjo in Costa Rica. 29. 3. 1857.